

ՀԱՇՎԵՏՎՈՒԹՅՈՒՆ

ՀՀ արդարադատության նախարարության հակակոռուպցիոն քաղաքականության մշակման վարչության մոնիթորինգի բաժնի պետ Հասմիկ Տիգրանյանի Իսլանդիայի Հանրապետության (Ռեյկյավիկ) գործուղման արդյունքների վերաբերյալ

Գործուղված պաշտոնատար անձ՝ Հասմիկ Տիգրանյան:

Գործուղված անձի զբաղեցրած պաշտոնը՝ ՀՀ արդարադատության նախարարության հակակոռուպցիոն քաղաքականության մշակման և մոնիթորինգի վարչության մոնիթորինգի բաժնի պետ

Գործուղման վայրը և ժամկետները՝ Իսլանդիայի Հանրապետություն (Ռեյկյավիկ), 2022 թվականի օգոստոսի 28-ից սեպտեմբերի 2:

Հրավիրող կողմը՝ ՄԱԿ-ի Թմրամիջոցների և հանցավորության դեմ պայքարի գրասենյակ (UNODC):

Գործուղման նպատակը՝ Որպես կառավարական փորձագետ մասնակցություն ՄԱԿ-ի «Կոռուպցիայի դեմ» կոնվենցիայի (այսուհետ՝ Կոնվենցիա) կիրարկման վերանայման մեխանիզմի շրջանակներում Իսլանդիայի Հանրապետության կողմից Կոնվենցիայով սահմանված պարտավորությունների գնահատման (այսուհետ՝ Գնահատում) շրջանակներում փորձագիտական-աշխատանքային այցին:

Քննարկված թեմաները՝ Քննարկվել են Կոնվենցիայի II գլխով (կանխարգելման միջոցներ), Կոնվենցիայի II գլխի 14-րդ հոդվածով (փողերի լվացման կանխարգելման միջոցներ), Կոնվենցիայի V-րդ գլխով (ակտիվների վերադարձ) սահմանված միջազգային պարտավորությունների կատարմանն ուղղված միջոցառումների, օրենսդրական փոփոխությունների և իրավակիրառ փորձին առնչվող հարցերը:

Հանդիպումները, ելույթները, բարձրացված կամ քննարկված հարցերը.

«Արդարադատության նախարարության հակակոռուպցիոն քաղաքականության մշակման և մոնիթորինգի վարչության մոնիթորինգի բաժնի պետ Հասմիկ Տիգրանյանը, ով միաժամանակ ՄԱԿ-ի «Կոռուպցիայի դեմ» կոնվենցիայի համապատասխանությունը գնահատող կառավարական փորձագետ է ՄԱԿ-ի Թմրանյութերի և հանցավորության դեմ պայքարի գրասենյակում, և տվյալ պահին հանդիսանում է Իսլանդիայի Հանրապետության կողմից ՄԱԿ-ի «Կոռուպցիայի դեմ» կոնվենցիայի համապատասխանությունը գնահատող փորձագիտական խմբի անդամ-փորձագետ: Իսլանդիայի գնահատման շրջանակներում Հասմիկ Տիգրանյանն ուսումնասիրել է Իսլանդիայի կողմից ներկայացված ինքնագնահատման հարցաշարը, իրականացրել է Իսլանդիայի կողմից ներկայացված օրենսդրության և իրավակիրառ պրակտիկայի վերլուծություն և համադրություն, մշակել է գնահատման/վերանայման զեկույցի (այսուհետ նաև՝ Իսլանդիայի վերաբերյալ զեկույց) նախագիծը:

Այցի շրջանակներում Հասմիկ Տիգրանյանը հանդիպումներ է ունեցել Իսլանդիայի գործադիր, օրենսդիր և դատական իշխանության, իրավապահ մարմինների ներկայացուցիչների, ոլորտային քաղաքացիական հասարակության ներկայացուցիչների հետ, քննարկվել է Իսլանդիայի գնահատման վերաբերյալ զեկույցի նախագիծը, Հասմիկ Տիգրանյանի կողմից Կոնվենցիայի II գլխով (կանխարգելման միջոցներ), Կոնվենցիայի II գլխի 14-րդ հոդվածով (փողերի լվացման կանխարգելման միջոցներ), Կոնվենցիայի V-րդ գլխով (ակտիվների վերադարձ) սահմանված միջազգային պարտավորությունների կատարմանն վերաբերյալ հնչեցված մասնագիտական հարցադրումներին տրվել են պատասխաններ և մեկնաբանություններ, Հասմիկ Տիգրանյանին ներկայացվել են Իսլանդիայի կոռուպցիայի դեմ պայքարի օրենսդրության և մարմինների առանձնահատկությունները, պետական գնումների և պետական բյուջեի ձևավորման ընթացակարգերը, ներկայացվել են մասնավոր ոլորտում կոռուպցիայի դեմ պայքարի նպատակով իրականացվող աշխատանքները, բացատրվել է Իսլանդիայի Հանրապետության սահմանադրաիրավական կարգավիճակը, գործադիր,

դատական և օրենսդիր իշխանությունների համաբերակցությունը և վերջիններիս կողմից հակակշիռների և զսպումների ապահովման մեխանիզմները, դատական իշխանության մարմինների անկախության ապահովման ուղղությամբ սահմանված ընթացակարգերը, պատգամավորների դատավորների, դատախազների, քննիչների, հանրային ծառայողների, կարգապահական վարույթների հարցուման հիմքերը և համապատասխան ընթացակարգերը, վերջիններիս վարքագծի կանոնների մեկնաբանությունները, Պառլամենտական օմբուցմենի մարմնի մանդատի դերն ու նշանակությունը:

Այցի շրջանակում առանձին հանդիպում է տեղի ունեցել Իսլանդիայի հանրապետության պառլամենտական օմբուցմենի գրասենյակի ներկայացուցիչների, ոլորտային քաղաքացիական հասարակության ներկայացուցիչների հետ, վերջիններիս հայտնել են իրենց մտահոգությունները և առաջարկությունները Իսլանդիայիում Կոնվենցիայով սահմանված միջազգային պարտավորությունների առնչությամբ:

Հասմիկ Տիգրանյանը՝ որպես Կոնվենցիայի վերանայման մեխանիզմի փորձագետ, ներկայացրել է իր եզրահանգումները Իսլանդիայի կողմից Կոնվենցիայիով սահմանված պարտավորությունների վերաբերյալ, ինչպես նաև, առաջարկություններ օրենսդրության և իրավակիրառ պրակտիկայի բարելավման ուղղությամբ:

Հասմիկ Տիգրանյանի կողմից հնչեցված հարցերը վերաբերել են բացառապես Իսլանդիայի իրավական ակտերի և իրավակիրառ պրակտիկայի մեկնաբանմանը, Իսլանդիայի պետական մարմինների գործառույթներին և դրանց կառուցվածքին՝ համաձայն Կոնվենցիայի վերանայման մեխանիզմի սահմանված ընթացակարգի¹: Համաձայն նշված ընթացակարգի՝ կառավարական փորձագետները պարտավոր են չհրապարակել, այդ թվում՝ երրորդ անձանց չհայտնել գնահատվող պետության կողմից տրամադրված տեղեկությունների և հարցադրումների պատասխանների

¹ [https://www.unodc.org/documents/treaties/UNCAC/Publications/ReviewMechanism-BasicDocuments/Mechanism for the Review of Implementation - Basic Documents - E.pdf](https://www.unodc.org/documents/treaties/UNCAC/Publications/ReviewMechanism-BasicDocuments/Mechanism%20for%20the%20Review%20of%20Implementation%20-%20Basic%20Documents%20-%20E.pdf) , էջ 10.

բովանդակությունը, քանի դեռ համապատասխան գնահատվող պետության կողմից համաձայնություն չի ներկայացվել Գնահատման ընթացքի և արդյունքների հրապարակայնության վերաբերյալ:

**ՀՀ արդարադատության նախարարության
հակակոռուպցիոն քաղաքականության
մշակման և մոնիթորինգի վարչության
մոնիթորինգի բաժնի պետ**



Հասմիկ Տիգրանյան
06.09.2022թ.